



06/2

Broj: 01- 02-2-2385 /14
Sarajevo, 01.08.2014. godine

BOSNA I HERCEGOVINA
AGENCIJA ZA IDENTIFIKACIJSKE ISPRAVE, EVIDENCIJU I RAZMJENU
PODATAKA BOSNE I HERCEGOVINE (IDDEEA)

FEDERACIJA BOSNE I HERCEGOVINE
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO PROMETA I KOMUNIKACIJA

REPUBLIKA SRPSKA
MINISTARSTVO UNUTRAŠNJIH POSLOVA REPUBLIKE SRPSKE
MINISTARSTVO SAOBRAĆAJA I VEZA REPUBLIKE SRPSKE

BRČKO DISTRIKT BOSNE I HERCEGOVINE
POLICIJA BRČKO DISTRIKTA BOSNE I HERCEGOVINE

06 2.14
06-27-147 /14

PREDMET: "Elektronska forma dokaza o tehničkoj ispravnosti vozila (eTP)",
obavijest o stavljanju izvan snage, *dostavlja se*

Ministarstvo komunikacija i prometa Bosne i Hercegovine (u daljnjem tekstu: Ministarstvo), dana 30.10.2012. godine, nadležnim ministarstvima i tijelima za provedbu postupka registracije vozila dostavilo je priloženi akt "Elektronska forma dokaza o tehničkoj ispravnosti vozila (eTP)", broj 01-05-02-2-1867-8/12.

U zaključku predmetnog akta, odnosno tumačenja načina i postupka dokazivanja tehničke ispravnosti vozila, navedeno je da "ovo Ministarstvo smatra da ne postoje prepreke da nadležni organi unutrašnjih poslova u postupku registrovanja vozila ne prihvataju dokaz o tehničkoj ispravnosti vozila u elektronskoj formi (eTP), sa bilo koje stanice tehničkog pregleda vozila koja je uvezana informacioni sistem."

Navedena teza svakako predstavlja jedan od ciljeva Ministarstva, kad je oblast registracije vozila u pitanju. No, u Bosni i Hercegovini, kao zemlji u tranziciji, vrlo složenog društveno-političkog uređenja i nadležnosti, još uvijek nije osiguran jednak razvoj u svim oblastima. U konkretnom slučaju, odnosno u oblasti tehničkih pregleda vozila, poznato je da se postupak tehničkog pregleda vozila ne obavlja samo i isključivo prema Pravilniku o tehničkim pregledima vozila ("Službeni glasnik BiH", br. 13/07, 72/07, 74/08, 3/09, 76/09,

29/11) i vezano za Jedinostveni informatički sustav na kojeg se poziva predmetni akt, nego i temeljem entitetskih propisa, koji evidentno nisu identični.

Analizom broja registriranih vozila i obavljenih tehničkih pregleda nakon dostavljanja predmetnog akta, u odnosu na prethodno razdoblje, na određenim područjima evidentan je porast broja tehničkih pregleda, koji nije proporcionalan broju registriranih vozila na istom području, što upućuje da činjenicu da predmetnim aktom Ministarstva *"Elektronska forma dokaza o tehničkoj ispravnosti vozila (eTP)"*, broj 01-05-02-2-1867-8/12 od 30.10.2012. godine nije ostvaren planirani učinak, odnosno efekt u smislu primjene jedinstvenog informatičkog sistema.

Veći nesrazmjer broja registriranih vozila s obavljenim tehničkim pregledima nedvojbeno ukazuje da se uvjeti za istovjetno priznavanje obavljenog tehničkog pregleda na području cijele Bosne i Hercegovine nisu još uvijek stekli, obzirom da postojanje različitih propisa dovodi u neravnotežan položaj korisnike iz različitih dijelova Bosne i Hercegovine, iz čega proizlazi potreba privremenog stavljanja predmetnog akta izvan snage, do uspostavljanja, odnosno izjednačavanja kriterija za obavljanje tehničkih pregleda na prostoru cijele Bosne i Hercegovine, što je jedna od primarnih aktivnosti Ministarstva u narednom razdoblju.

U razvijenim zemljama, ne samo gospodarski, nego kulturološki razvijenijim od Bosne i Hercegovine, pitanje prisutnosti vozila u postupku tehničkog pregleda je bespredmetno. Nažalost, u Bosni i Hercegovini to nije slučaj jer je stanovništvo, zbog ekonomske i opće situacije, u stalnoj potrazi za bilo kakvim načinima i postupcima koji podrazumijevaju brži, kraći i u konačnici jeftiniji postupak, ne ulazeći u moguće nemjerljive posljedice takvih nastojanja. Iako općepoznato, svakako je potrebno naglasiti da eventualno izdavanje dokumenata o obavljenom postupku tehničkog pregleda bez prisutnosti vozila ima nemjerljive i nenadoknadleive posljedice po sigurnost prometa na cestama, pri čemu su izravno ugroženi ljudski životi i imovina.

U skladu s navedenim, privremeno, do izjednačavanja kriterija za obavljanje tehničkih pregleda na prostoru cijele Bosne i Hercegovine, stavlja se izvan snage akt Ministarstva *"Elektronska forma dokaza o tehničkoj ispravnosti vozila (eTP)"*, broj 01-05-02-2-1867-8/12 od 30.10.2012. godine, a postupke tehničkih pregleda vozila nadležna ministarstva i tijela vode i okončavaju prema važećim propisima.

Prilog:


- kao u tekstu;

Dostaviti:

- Naslovu;

- 02, 03, 04, 05;

- a/a.



MINISTAR

Damir Hadžić